



FOTO RALPH FEINER/WWW.BESTEBAUTEN.CH

Il sulegl suenter il schoc

■ (ls/fmr) Il schoc dad ieli l'onn 1973 ha fatg ina fin a l'euforia da progress suenter la Segunda Guerra mundiala. Ed el ha dà svung al moviment ecologic – era en l'architettura. En la construcziun èn vegnids fatgs emprims pass per trair a niz meglier la forza solara – per uschia reducir l'energia or da resursas fossilas. En quest sectur è *Dietrich Schwarz* (*1964) sa

fatg in num. Dal 1995/96 ha el realisà a Domat a la Via Calundis sia emprim'ovra, il «Solarhaus I», il qual exista atgnamain da duas chasas che na dovran nagin'energia estra.

Las duas chasas lunghentas ed autas èn pli u main identicas. Tut l'estetica è messa en il servetsch da l'optimaziun energetica. P.ex. l'angul dal tetg assimetric è drizzà tenor il sulegl.

Las paraids consistan dad in'isolaziun termica trasparente, uschia ch'i paran be dad esser da vaider.

Il «Solarhaus I» da Domat è in da plirs edifizis che la Lia grischuna per la protecziun da la patria preschenta emna per emna en il decurs da quest onn, cun la finamira da sensibilisar per la ierta architectonia dals onns 1950-2000.